

桃花源志略卷十

唐開韶輯

胡焯同編

徵文八

詩四

國朝陳頡仙詩三首

頡仙名士
本武進人

奉調上沅訪桃花源

鬢年事槩鉛曾讀桃源記漁翁滂流泉驀入五雲闕桃花
夾岸紅藤蘿拂巖翠洞犬吠仙聲桑麻迴無異中有龐眉
翁云由酷秦避歷年五百餘猶說當時事歸來日甫斜再
往只長喟谿水依然潺煙雨隔林邃洵哉成美談遂高千
古意念余上辰沅鼎州發輕騎憑軾覓仙蹤僕夫指雲委
捨騎入深林林清滌人膩浩歌一曲終谷聲若相次漁翁
今已無洞門扃千季安得避秦人一問仙家祕探桃洞
偶成 偶來探得翠微濃白石青松翳萬重山鳥似猶啼
往事漁翁無復見前蹤雲霞片片飛空谷薜荔層層護遠
峯爲訪洞門何處是幽巖惟有碧苔封

王山長詩五首

山長名岱
湘潭人

題畫桃源圖寄陶仲調

并序

靖節桃花源記語語皆自寫照不知有漢無論魏晉卽
甲子紀年之意此後無問津者笑煞後人矣仲調抱靖節
之操氏族同而心不異故以相贈 羲皇一枕北窗中風
味陶家先後同不羨洞中忘漢魏更勞漁子有津通 此
後無人更問津洞中虛負武陵春豈知栗里遺風在依舊

桃花作主人 初無彭澤歸來事豈受山中宰相名一片
冰霜門館肅冥心高坐聽松聲 寒泉幾疊雜松濤萬壑
冰霜閉戶牢莫謂桃源無歲月此中山海坐來消 李吉
津索畫桃源圖并題 叢巖邃谷別成村耕鑿相忘長子
孫本爲避秦聊復爾後人妄擬作仙源

魏石生詩一首

石生名裔介柏鄉人

桃源行

并序

昔晉有高士

陶淵明置身三代歎其身遭劉宋禪代之際世之人莫已知也故作桃花源記綴之詩以自明其古處其文云此中人語云不足爲外人道也嗚呼非此中人足道乎又云劉子驥親往未果後遂無問津者嗚呼非其人津可問乎唐人如王摩詰劉夢得韓退之等皆以桃源爲神仙而東坡

桃花源志略卷十

二

亦不能辯以爲漁人所見乃避秦之子孫是皆無異於說夢也余嘗熟讀陶集偶有所見擬作數句雖詞意膚淺庶幾窺於作者之意云爾 淵明白謂羲皇人作爲詩記擬避秦秦人宋人一而已詐力篡弑不足詢柴桑自有桃源渡洞口雲深落英聚雞犬同有古音聲衣裳不作新制度此中避世可千年春花秋月自涓涓峽中不知人何事世人遙望惟青山山色溪光終不改武陵白雲自相待却笑時人欲問津避秦之宅竟安在

王闕中詩一首

闕中名象天富平人

和靖節桃花源詩

嘗讀南

華經浮雲看此世桃花落復開源水隨流遊一瞬等地天千秋幾興廢能得山水趣城市差堪憩關閉可禦風茅誅

當習藝興到呼濁醪耕餘足公稅曙入雞肆唱枕安龙不
吠飲露吸天池餐霞鮮炮製散步憑長嘯跌坐良所詣偶
起視澗阿淺深忘揭厲况樂太平春不同離亂歲少也素
迂癡老矣何智慧彭澤愛吾腰東坡絕凡界兩賢若同符
百慮無異蔽迷津思問津豈在桃源外溪水不容刀泳游
饒獨契

唐近仁詩七首

焯日近仁先生名子木號昉仙竹谷五世祖

桃源洞竹枝詞

武陵深處絕囂塵世上渾忘有避秦白馬渡頭朝鼓棹
綠蘿山下夕迷津 引人入勝落霞紅流水潺潺一徑通
白叟黃童爭款客不知誰是主人翁 澗戶巖扉結比鄰
巍然古貌見天真不堪頻向外人道開遍桃花始識春

桃花源志略卷十

三

日日溪頭博醉眠得魚沽酒不論錢桑麻雞犬尋常有難
得相逢洞裏天 曾說秦人長子孫桃源今作路旁村憑
誰再飽胡麻飯共啜田家老瓦盆 遇仙橋上白雲封遇
仙橋下水溶溶方竹亭前萬竿竹夜來時聽隔林鐘 莫
辨仙源事有無境幽平地亦蓬壺只憑元亮一篇記畱與
他年作畫圖

佟高岡詩一首

高岡名鳳彩襄平人

桃源洞

天台別有路桃洞

尙存源漁子忘情後游人空自言

戴道默詩一首

道默名明說滄州人

桃花

春風一夜開何物主

人經歲勞翦拂桃花甯畏未央寒露井輕辭垂蒿蔚錦袍
簇絢舊崢嶸對雨不笑香吃吃胡蝶欲來芳草知桃開始

覺春飛遲但得畱春能倚人百年長醉胡爲悲醉酒澆月
月欲沈仙源有山深更深自從雲障周秦路閒殺漁舟何
處尋

沈繹堂詩一首

繹堂名荃華亭人

馮个臣客武陵以柳盃見貽

賦答 八月瀟湘木葉催天風吹下尺書來多君獨縱珊
瑚管贈我真邀鸚鵡盃橘浦霜黃千樹老龍巖雲擁一門
開桃源若在應相問折得花枝手自栽

范允公詩一首

允公名承斌瀋陽人

讀陶淵明桃花源記 武陵

春色豔春霞武陵漁子泛輕槎緣溪一路聞啼鳥盡日無
人見落花落花片片低覆首把釣船頭隨岸走水盡林窮
又一山舍舟獨步入山口舉頭忽見白雲生白雲之外喧

桃花源志略卷十

四

雞狗青松古柏有人家物外清泉半田畝村中一見各相
驚雞黍殷殷亦有情但言秦亂初來此不足爲人道姓名
衰回數日尋歸路春風歷亂桃花暮可憐好月送人歸回
首空濛鎖煙樹

范彥公詩一首

彥公名承烈瀋陽人

讀陶淵明桃花源記 三月

桃花花滿林漁舟隨水入山深片片飛花浮綠水時時啼
鳥弄春音參差遠近皆紅樹行至山前疑有路舍舟獨步
循山椒驚看處處皆桑竹桑竹森森通去津有人來此爲
逃秦山中記歷無甲子閒看木葉識冬春仙源不受俗人
履歸去空勞誌遺址重來春雨復春煙亂點桃花撲溪水
陳大來詩一首

大來名寶鑰號綠厓晉江人

石谿云武陵桃源舊境

蕩然無跡矣爲之紀感 桃源在人境孰謂可避秦秦人
搜未及從古有逃民何云秦網峻且密依附山林多不出
三戶安知非武陵秦皇偏墮楚人術桃源既有逸丁夫二
酉亦藏舊典謨雄傑生心雲夢澤楚實多智秦非愚吁嗟
乎赤蛇之精出豐沛赤松之仙在畱會桃源豈無仙劍術
不見從龍除秦害乃知彭澤實寓言後無問津見其概^叶
君不見今日桃源非昔年樹童石齒寂人煙洞口泥丸滿
地鋪神仙不見民亦逋漁父子漁父子不尋源于盛漢之
始無傳奇于晉魏之紀未必秦虐而漢美

龍之池詩一首

字里未詳

乙丑夏同石首熊子蔚菴游秦人

洞 并序

縣西五里南岸望茱蘿插峯倒影寫照莫似及

桃花源志略卷十

五

挽舟寸厯指數晴巒挺峭錯落都如望裏載白馬雪濤處
往復舟掠水南略聞濤聲後壁却有封石不禁盧胡然鬼
斧之奇形色百會踟躕半屨覓路桃花溪攀藤觸石幾幾
興盡而返鼓棹幸從大灣汊中冒雨扶筇曲折三四里入
洞中水流花發直問秦人下上之頃意畱有餘以俟再遊
相與長揖而退 耳食羨秦人鄉導應相伍已經武山麓
盤互指門戶魚梁激奔湍十丈壓篙櫓歸氣所必爭夜泊
不受侮雲霞水石英結互成靈宇得以氣象占敦樸衍皇
古地脈共長年百歲未朽腐疑或逢子孫相因述遠祖倘
欲窮津源在在行遺補茱蘿十數峯蟠虬與蹲虎參差峭
伏閒猜似莫自主千百小石巒逐江亂吞吐巖花散斑駁

龕壁敞堂廡何年寄神功隨處經鬼斧全體窺洞奧茲得
其一股覺路桃落溪村煙約炊午微生几席雲蒸溼暗山
雨苔徑石梯迂私憶假毛羽旁壑可容舟卽宜通祕府惜
此水盈盈往蹟略漁父畢究崎嶇行林泉深跋扈性與禽
鳥洽孤慮猿獠侮方亭撫殘局伊人越元圃橋眞掩蛇足
池沫爽龍煦千古無負心豐碑摹石鼓大士接引功時渡
白鸚鵡看來俱贅癩思議別有取五日十日遊足蹙目不
覩

闕虹受詩一首

虹受名士
琳桃源人

桃花溪

此生夢不到桑麻

誰信飛鴻亦有家便可謝囂車馬外常將筇竹伴桃花

瞿天門詩二首

天門名龍
躍武陵人

重游桃源洞

數問漁郎未

桃花源志略卷十

六

見回桃花滿樹爲誰開采收百片和羹煮飽向青山我看
來 橘中樂不減商山何必呼花久駐顏一歲一回騎馬
看百年日月甚長閒

艾遲詩一首

桃源未詳
人

春游桃川

不必尋秦客登臨我

亦仙詩裁芳草地酒酌碧桃天石怪泉飛雨蹊深谷吐煙
洞門何處是遙認白雲邊

黃璵詩一首

字未詳
山人

桃川宮

芰裳曳斷淥蘿煙白馬

尋秋對老禪片石茅芻秦洞口幾家雞犬楚江邊花殘古
道誰畱客人去空山半受田直到淵明傳小記至今漁父
尙談仙

文月林詩一首

月林名鵠
桃源人

宿水溪聽泉

木振千山響

泉清衆壑音一舟無遠近孤泊入幽深明月結遙契閒雲
空我心仙源憑在望披豁寫瑤琴

董思恭詩二首

字未詳
壽光人

桃源行

我來桃源覓神仙

人已去畱青山青山依舊青未了胡爲仙人去不還我來
桃源尋洞口洞口桃花何處有幽泉漱竹繞孤亭又見僧
廬大如斗乃知盛衰遞相主陰陽須臾變今古赤松黃石
終磨滅可憐秦皇與漢武吾人自有不死藥萌蘖莫漫斧
斤削三十六天一氣通活水源源滄海闊憶昔香案侍玉
皇下視塵世意飛揚俄而謫向人間住回首蓬萊殊渺茫
寥落江湖百事灰惟餘明月傍靈臺欲問仙源只此是何
必紛紛妄求哉吁嗟乎何必紛紛妄求哉 桃源洞 紛

桃花源志略卷十

七

紛耳食襲陳言避亂嬴秦底事翻但使太平氛氣靜海天
何處不桃源

朱祿詩二首

字里
未詳

宿白馬渡

迤邐桃源道舟停白馬

津山光兩岸合水色一天明漁火爭明滅煙嵐幻雨晴夜
深成獨寤雞犬尙秦聲

羅宗玉詩四首

名里
見前

將經理桃川選僧住洞傍大士菴

於其往作詩送之用劉禹錫百韻 秋水爽氣新聞齋坐
寥寂蟲鳴奏衆音松竹舒長碧巖壑胎白雲悠悠散復積
遠霞炤巖峯低煙縈磧撫景感流波澄懷緬往躡高蹈
幻清虛惆悵壺天隔制宇逮祖龍丹砂煩涉陟方士肆欺
罔迷深易投隙當時怨焚坑抑且失阡陌茫茫酷烈中安

得守夙昔商山及海上甯必心所憚依人秉奇情勝地杳
難覓始圖出煎熬終乃忘遷革嬴政萎沙邱鮑魚殘地脈
豈知毆逐閒長生自敷錫物變徵天時無庸傳紀歷種桃
雜園疇扃此世外宅藏書幾萬卷翠微成帷冪越彼晉太
元機暗久未析漁郎沅南秀溪上泛孤鷁顧盼林麓幽青
蘿垂絕壁但棲猿鶴儔何從著游屐忽覩落花紅片片隨
涓澤沿溪忘羨魚目辨巖光赤因之叩元關遂爾洩深閨
接待猶人寰杜處甘遁癖入山知秦事漢魏胡委折飲客
漿澄湛食客飯玃璣仙界等魂游塵根馳心輒往畱天風
颺歸辭晨星哲重思續前夢疑誤如絆鞞淵明千古人義
皇文一帟寄棲地下枝心種天上核譬之清夜蟬高唵及

桃花源志略卷十

八

清液又如凌霄鶴逸韻聳危脊蕭條謝世網喻志起物役
爰記曠尙蹤詠歌通由繹昌黎持正論斥佛尊置舄未肯
曹神仙記夢語潦瀝目之爲荒唐畫黨不相惕端明駁殺
雞標語起扞格仙固無殺理何妨聊一劇致令後代儒紛
紛疑填膈何況瞿氏童入洞誇觀弈讀書不求解兩君亦
負責棄置勿復道達識戒拘迫何當輕平反遽用加指摘
我住源下郊考詳彙載籍芒屨縱披尋私抱異來覲危橋
空斜橫元車邈陳跡獨餘洞上泉千丈挂絡繹淙淙泯去
來日夜送疎槭空杉兼喬松蒼光相蕩射箕踞發深省淒
涼窮探索成連移海島悲聲翻沙礫此身在何許奚問羊
與石移情匪無由至道挹微擊側聞杖化龍更傳鳧振翮

二事慳一遇洞天迷寸尺廿年履艱辛于此滄桑易邇者
謬釋褐生理猶逼窄歸來守饑寒出門步不百浪許窮五
嶽靈祕手自闢柰何几案物登臨翻值隄累代崇釐祝璀
璨悚心魄亭閣連別館皎潔搖處白劫火蔓荆榛龍象泣
永夕不聞緇黃呪徒恣狐魅適初招老頭陀九門聊先掖
建彼巒上菴茅竹供搽摭苦乏開士韻布置昧所澤無從
爽觀游安希稱禪辟選僧如選士後效徵前歷徒懷辨惠
□微存彼法的嘉子持娟修亭亭挺霜柏畫理與琴心追
琢幾良璧要取馴暴虎詎止信蠻貊願言託名區清靜畱
經畫大事黜惰慢堅忍如茹檠諸天來有時羣山宛牙戟
遐想通高眞如何生沈溺葺廢舉墜務重開志功伯屈指

桃花源志略卷十

九

菊花天扁舟來憩息奏曲看星稀傳瓷待露滴廚下餐黃
精世味薄雞跖谷望漲磬鐘魔消掩干戚敢言五不男庶
幾恬心激顧念山野資終鮮干時策惟應補殘書百城舉
登斥懸巖望沙門赤壁夢羽客時復受生徒絳帳專講席
榮辱兩無關人天或有益古之大力人遇物渙然釋身可
係安危名自重竹帛其流震非常眞宰毫末擲時懦事不
起寄傲頻岸幘我欲跨青驢渡海雙掌拍方將弄星辰甯
爾歎虺蜴不然築精舍遺桃尙可摘與子學無生心跡解
憂戚 偕友游秦人洞值雨宿洞前村舍 煙雨空濛走
洞口村舍山光搖戶牖層磴嵯峨窮追攀長唵相看但攜
手坐聽孤猿嘯流泉猿聲啾啾泉涓涓秦人不放桃花去

東風一夜飛榆錢來朝人事便陳跡醉過春華穀雨天
桃川 居人聞我至餉榼助清游絕景憐塵夢空青入醉
眸種桃原世業產藥卽靈邱莫羨黃瞿侶丹砂駐幻漚
桃花溪 當年漫說煮胡麻一水依然照碧霞晉後仙機
難再洩洞中不肯放桃花

車與三詩一首

與三名萬
育邵陽人

春暮李郡伯招諸公游桃源

洞 晴郊初試馬亦似爲春忙不及桃花發猶餘洞口香
苔含昨夜雨鶯囀隔林簧到處吟應遍詩逋未易償

沈遠詩一首

嘉興未詳

同故鄉諸友游秦人洞遇默識上

人善琴畫次武陵諸公原韻畱贈 天涯結客好尋秋淪

鼎丹臺足勝游洞口流泉香澗滿寺前雙樹夕陽收欲憑

桃花源志略卷十

十

法語空諸相斜抱雩和鼓一邱願得支公與談法不辭白
馬渡江舟

文石濤詩一首

石濤名志
鯨桃源人

春游桃川途中作 和煦方

宜單袷衣郊原野客啟重扉藉茵酌酒風光曉鬥草呼盧
興趣微樹裏鞦韆聽鳥叫溪頭苓簪羨魚肥十年闊別來
吾土不覺徜徉一息機

甯誥詩一首

穎川未詳

秦人洞 何處仙源有路通石門

深鎖白雲中心清泌水猶堪隱地僻商山豈易窮洞口花
畱秦代月溪頭人醉楚天風莫云避世難忘世煙外晴空
起曉鴻

范伊璜詩一首

伊璜名秉
秀桂陽人

桃源 自昔說桃源肘腋生

煙霧便欲學漁郎鼓棹入山去今過武陵溪艇子堪洄滄
山容殊窈窕飄然風可御卽謂無神仙亦有幽人住

查初白詩一首

初白名慎
行海甯人

舟發桃源

武陵溪口朗江

灣花落鵑啼血正殷楚甸回看惟見水蠻程從此始登山
分災小劫推移過避世遺風想像還但使耕桑能復業仙
家原自在人間

李笠翁詩一首

笠翁名漁
仁和人

桃花源圖

不識此何地常

於紙上逢桃花來水上雞犬在雲中

胡西庸詩一首

西庸名覲
徵武陵人

送去驕弟歸武陵

曲折桃

源路舟移第五灣每從青嶂句憶得綠蘿山詩卷愁堪寄
狂名謗未刪故人儻相問爲道鬢毛斑

桃花源志略卷十

十一

羅天緒詩一首

字未詳
桃源人

問津圖

桃源問津事有無萬

樹桃花錦不如茂林修竹蔭阡陌盈盈一水琉璃鋪雪中
雞犬聲髣髴宮室裊裊凌清虛漁舟一葉何容與邂逅伊
人相招呼自選名山遂隱遯不記馳兔與飛鳥過眼滄桑
如轉燭嬴劉曹馬紛啖屠忽思鄉縣反塵途蒼茫回首仙
凡殊我來欲覓避秦處層峯疊嶂空踟躕不逢問津子徒
觀問津圖問津事歷幾千載欲辨有無甯非愚安得神爲
馬尻爲輿竦身飛上神仙都餐霞吸露脫凡軀

商寶意詩一首

寶意名盤
會稽人

題春泉圖爲天都汪攻石

何處仙源可避秦洞中雞犬武陵春桃花莫遣隨流水元
亮荒唐賺殺人

何蕙菴詩一首蕙菴名如游秦人洞 秦人疑隱亦疑

仙花放溪流不計年一徑桑麻塵外世幾家雞犬洞中天

偶思魏晉論心日便覺羲皇在眼前絕好山川成妙境我

來小憩證前緣

巫楨孫詩四首楨孫廣德人去桃源賦詩 敬謝桃川水澄

清自徹底兼無涸與盈出沒我懷爾 敬謝桃川月晦陰

俱不汨吾心別有天惺惺常如揭 敬謝桃川竹懷芳殊

衆族扶筇任所之中外如君足 敬謝桃川松走盤如幻

龍秦人攜手去不愛大夫封

俞益謨詩一首名里見前游桃源洞 非訪秦人豈覺仙爲

尋幽勝向桃川殘詩半剝千年碣曲徑深迷二月煙游屐

桃花源志略卷十

十二

任經苔自古鳴絃不住水常涓平生結得仙靈契歸去何

煩早著鞭

陳衡宅詩一首衡宅名一揆龍陽人過桃源 纔將一葉謝波臣

積堞荒垣晉與秦眼底山川怡過客夢中雞犬憶先民間

津桃洞津疑隱帶雨梅溪雨恰勻姓字好通先吏案花前

宿釀不焦脣

陳正求詩一首正求名養元號鹿山武陵人桃源早行 花溪不見

舊時紅崖斷雲連有路通十里荒雞催曉夢馬蹄正踏萬

山中

胡紹安詩一首漢字未詳秦人洞 莫向秦人問有無桑

麻雞犬卽蓬壺看花馬上重回首可及花前酒一沽

周漁璜詩一首

漁璜名起渭貴陽人

題桃源問津圖送志尹

五

百年前事若何斷蛇失鹿兩消磨桃花本自秦時種溪水甯知漢祀多我故籠中羨高鳥君徒畫裏著煙蓑仙源偶值還鄉路聊把新詩寄棹歌

方宣綏詩一首

字里未詳

擬陶淵明桃花源詩原韻

海濱

有遺風昔賢非矯世時會有推遷典型日以逝箕穎豈甘淪嬴秦政自廢桃源竊以幽攜手來游憩比跡商山顛華芝堪樹藝我不願鐘鼎亦豈逃租稅愛此桃花村月明無犬吠食既匪霞餐衣不假芰製元光亘洞天空曠任所詣清風時煦和紺霜鮮凌厲朝朝賞物華年年歌稔歲交游得性真潛藏休智慧逍遙五百蹤彷彿大千界何必非人

桃花源志略卷十

十三

閒凡子自障蔽漁舟武陵還問津空門外流水杳然閒幽意誰真契

黃志伊詩一首

志伊名任號莘田永福人

題桃花流水畫冊

桃花

灼灼水潺潺隔斷千山與萬山生怕漁郎漏消息不流一片到人閒

張月槎詩一首

月槎名漢石屏人

寄桃川道士

白雲深處臥

劉安歲歲春風長藥闌朝向蓬山暮歸島洞簫聲徹數峯寒

鄒仲孺詩一首

仲孺臨安人

桃源洞

澗水浮來片片霞漁

郎蹤跡到山家當時只種桑麻好何事偏開結子花

鄭炳也詩二首

炳也名虎文秀水人

題文伯仁桃源圖

避地本

無地花源自有源沂雩春未暮得意可忘年 桃織一溪
錦松衣萬點苔一般家法在錯引問津來

趙璞函詩一首

璞函名文哲上海人

過桃源初上一灘名毛甕子

灘流清可憐阻石形勢變一望江空濛如雨復如霰
牙數峯峙中各通一綫石立水亦立飛浪搏人面水中八
尺篙水際百丈縴遙遙相叫呼有若赴急難當其入險時
出死力與戰昔稱倒水巖靈秀桃川冠龍溪碧玉流茂竹
紛可玩幽景不我娛徒令飽憂患何處漁仙菴聞鐘起三
歎

楊惺齋詩一首

惺齋名松年甯遠人

桃源 流水渺然去仙源難

問津當年曾一棹茲事忽千春漁父非迷渡桃花自避秦

桃花源志略卷十

十四

不知彭澤令何似武陵人

喬潤齋詩一首

潤齋名光烈上海人

桃源洞詩

并序

癸未秋余

自黔移楚偶憶武陵人逸事爲訪其所在徐行抵洞口髣
髴漁人言其坦然□□者爲良田滄然清冽者爲美池翳
而叢翠者爲桑與竹噫事閱千百年其田地桑竹之屬果
猶是太元時人所耕所釣所手植者否耶乃登飛梁探絕
壁低徊俯仰但有野寺山僧鳥語松響而已問其人杳不
知其所之也 驅車古道旁盈矚太平事桑麻何沃若雞
犬猶餘食蔀屋四時春結繩或可治神界敞排碕町曠鹿
場次洞外人勞勞洞裏人猶睡桃林拂人衣鳥語猜人意
礧礧四圍煙撲面迷游騎篔簹千頃綠穿天復曳地遠山

嵐欲滴迎水聲如織樹影倒入池雲脚斜兜寺野橋飛斷
虹礪戶月爲帔祠古苔上階字蘚碑橫翠沿徑拾秋花馥
馥薰人醉徒令問津者削劣思解轡有無縹緲閒往跡原
如寄欲問此中人卽今民與吏

楊文騫詩一首

字未詳
太和人

舟次桃源

艤舟桃源傍斜谷

桃花不見見修竹雞犬何處暮煙寒賸有青山作畫軸飲
酒且看山飲醉山滿腹旣醉且酌泉酌泉月在掬昨日山
零送我行今宵江月伴我宿洞裏神仙不可期何如醉聽
漁歌武陵曲

劉西堂詩一首

西堂名漢
元和人

擬王維桃源行

平匳一碧

涵渺瀾夾岸濃煙收不起芳樹低垂楊柳津迴波暖泛桃

桃花源志略卷十

十五

花水居人指點武陵谿渡口雲深路欲迷扁舟欸乃行叢
綠沙岸沿延遶曲蹊忽然隔浦蒼煙斷無數嫣紅開爛漫
依約雲中雞犬鳴閒關枝上流鶯亂誰歟曳杖鶴髮翁服
奇貌古懷葛風羸顛劉蹶了不問獨茹菌桂餐芝松淹畱
晨夕意未已回首塵緣念鄉里移舟激灩花氣薰棹尾籠
霞散成綺似茲幻境天下無諸朝鼓枻遵前塗清溪深處
不可入舊游恍疑元都我生賦性耽寂寞仙源有路尋
邱壑要引漁郎共問津廿年空負林泉約只今勝事已成
塵洞口桃源舊避秦蒼茫煙水猶如昨翻使桃花獨笑人
邱宗山詩一首

宗山名岱
武陵人

桃花源

路窈雲林暗苔荒

石徑斜人隨春去遠猶自覓桃花

李時春詩一首

字未詳
桃源人

桃花洞

洞口桃千樹花閒日

日春紛紛名利客誰是問津人

劉山癯詩三首

山癯名昌
臣武陵人

再游桃川二首

踏到溪深

處時聞野寺鐘崖崩通獨木山闕補長松雞犬分秦漢桑
麻羨圃農呼童誌歸路莫遣白雪封 訪勝黃花月桃川

瘦以清霜沙寒雁跡雲葉裹蟬聲步步殊天地峯峯自雨
晴如何來往者不悟古今情 桃源洞 莫將避世等青

童流水依然世不同今日桃花開笑口桑麻雞犬盡王風

陳萬雋詩一首

字未詳
龍陽人

靈巖瞿樹

并序

樹以瞿名瞿

斲先生手植也值晉司馬跋扈隱靈巖洞中鑪榻的的可
攷皆昔時物樹歷二千年倔強不敗豈散材乎蓋有託也

桃花源志略卷十

十六

靈巖一本三花樹圖經博物無傳注居民不識晉春秋

惟記樹者名之瞿初來此地尋仙蹤百洞爭春孕奇趣蛟
虬盤屈勢拏雲蒼藤縷絡直吐霧雕鏤根骨疑鬼工以手
摩挲驚愕錯花開色色翻新鮮碧綠丹黃匪徒聖柯葉時
作雲葉姿梳風溜雨混遐寓入寺默息樹邊身行來萬里
目未屬先生手植非無心奇葩不許羣材妬因知石馬與
犧牛接木移花天已數一柱孤撐二千年挂月支星孰呵
護中有猿鶴時往還啼淚朝朝與暮暮

羅楚山詩一首

楚山名時
昶宗玉孫

問津圖

丹崖翠嶂凌雲起

一鏡澄泓碧流水夾岸桃花絢綵霞扁舟泛泛捕魚子洞
裏仙人笑口迎爲開松徑展芳裯衣冠樸略猶古製雞犬

蕭疎無世情春色四時瑤草馥垂髻華髮懽相逐不羨安
期訪祖州差同黃綺棲商谷白帝傾積赤帝興同棲三馬
復相乘轉眼滄桑六百載龍爭虎戰如風燈花閒問訊甃
然喜霧牖雲窗堪徙倚鄉心忽動沸波濤吹落紅塵千萬
里裏糧重赴意模餽流水桃花去徑無晉後迷津何處問
至今惆悵問津圖

陳宗五詩一首

名里見前

游靈巖

春芳綽約娛雙眸挈伴

爲訪靈巖幽沿巖彳亍走險仄谷風初暖鳥聲適嶄然一
門闢者誰羅列怪石如貔貅千年苔蘚暈兩壁題蹟芒昧
難爲求三花老樹何兀兀枝幹盤空相凌突上有蒼藤縷
絡之雲下有蒼龍脫去之骨人傳種自瞿劓手祇今枝挂

桃花源志略卷十

十七

晉時月樹外宜亭翠微裏

宜一亭爲家巖所建

迢遙亂石如積米坐

見文脊碧凝煙石隙寒雩一帶水乘興游目快羣動朝陽

榻冷洪崖夢

朝陽洞有瞿仙石牀

穿破夕陽小有天

朝陽夕陽二洞相連

潺潺

一水還相送直造碧雲邊

碧雲洞名

浮梁裊石洞不憚路坎坷

伏進疑入甕鋒稜石乳久雷成萬竅一一皆晶瑩中有碧
潭形可鑑舉足還恐驚龍神復出氣猶王明心初雪亮石
膚簇羅紋如織煙嵐帳忽有巨石梗其隈方謂止此入更
曠試上層崖一徜徉紫雩漣漪嵌琳瑯

紫雲漣漪二洞名

造物靈

氣復幾許如此刻鏤殊難當

王東注詩一首

東注名爲垣龍陽人

桃花洞

靈境不可極沿源

意悄恍草木澹春暉杳然發孤想巖扃露斷齧嵐氣侵額

穎中若有人聲疑話桑麻長近之聽亦無迴映窮俯仰一
石水潺潺山鳥苔清饗

顧戒菴詩一首

戒菴名鑑
江甯人

桃源洞

路問桃花源遙指

白馬渡晡靄雲氣深秦人從此去秦人去千載白雩長自
護何年靈境開花源忽呈露從此傳人間物外感生聚我
來已深冬不見桃花雨林深水無源水繞山迴互草木淨
餘芳魚鳥適幽趣彷彿雞太聲遠山雲中樹奇蹤託杳渺
欲覓曾無路嗟彼武陵漁津逮仍迷誤爲問避世人高舉
將焉赴淵明結妙想孤懷聊自寓寓言非人間惝恍何所
慕

馮大木詩一首

名廷櫬
德州人

桃花洞

柱杖出西郭言尋桃

桃花源志略卷十

十八

花洞霜清水初沈雨歇雲不動黃葉四山飛寒禽發幽哢
乍見水際村板扉接竹棟捫蘿緣迴谿頓覺巾履重靈仙
不可企吾將翳鸞鳳

楊仲丹詩一首

仲丹名山
梓武陵人

怡望山

中流孤竦獨稱尊

只有金焦可共論惜以遐方成割據自非好事莫攀援吾
家題賞經三世前代風流記二袁

中郎小修先
後特來游此

此外徑從

馳道返

桃川有
馳道

我於夢得有遺言

劉夢得游桃
川不聞到此

趙希鼎詩一首

字詳里

三游桃花源

桃花溪上水溶溶

幾度登臨古洞封歸鶴峯頭聞寇警遇仙橋畔憶行蹤猿
啼野渡霜林醉蟲語荒邱暮靄濃瀑布猶鳴秦代恨問津
無路悵扶筇

顧開雍詩一首

字未詳
華亭人

桃花洞

移家却憶避秦年

口桃花事渺然樵徑一聲驚岫竹石門半掩散山泉風流

太守懸游屐蕩漾漁郎返釣船阡陌有無休借問漫隨殘

菊訪真仙

汪鳳麓詩二首

鳳麓名虬
天都人

桃花溪

鷗浴晴波戲夕曛

落霞千片水中分漁人問後津偏隱洞口溪頭只白雲

煉丹臺

石磴藤蘿緩步攀淪池猶聽水潺潺臺空人去

孤雩在但得丹成看鶴還

黃國塾詩二首

字未詳
山人

游桃源

一從大隱據高空疑

佛疑仙競異同山海已枯坑火外兒孫還長劫塵中秋風

水面秦時碧春雨聲邊漢代紅真媿勞生難暫息地偏幽

桃花源志略卷十

十九

閔傲崆峒

莫將五斗號爲郎總爲桃花作主張洞閉雩

煙無晉魏客來心眼到羲皇金風初振千山響玉露能含

萬樹光休讓秦人全占却羣仙籍上兩稱黃

高邁祖詩一首

字未詳
里

桃源洞

欲向源頭問舊蹤洞門長

遣綠苔封白雲滿眼迷幽徑瀑布聲連萬壑松

鄧辟疆詩二首

辟疆名封
遠南昌人

讀桃源記

相與竟忘言桃

花紅覆屋漁翁何處來指點溪前竹行行欲忘疲是中

有佳處雞犬自去來隔林聞鳥語

李瀛仙詩一首

瀛仙中丞名
發甲河內人

桃源

漁人亦隱者暇日

泛扁舟雞犬吠茅屋桑麻植綠疇桃花夾岸發溪水在中

流借問避秦處白雲領上浮

謝孝徵詩二首

孝徵名如式桃源人

桃川仙隱

何處訪神仙名

山隱洞天桃花開石圃鶴跡滿芝田月下時聞笛雲中晚
扣舷漁樵曾共訪覲面那無緣 秦人洞 一閱靈源歲
月深洞門雲鎖晝長陰桃花不復隨流水漁子何由訪故
林踏破煙霞勞屐齒披來風月淨塵心忘機自喜同猿鶴
坐對青山撫素琴

李穆堂詩一首

穆堂名紱臨川人

夢游桃源爲友人賦

東風

吹日春蒼茫四海熙熙如虞唐蓬山萬里夢不到來趨金
臺窺玉堂班生未是登仙者刺促輪蹄塵土下玉堂天上
誰貢之欲自薦恐拙言辭豈知紫府有散吏游於斯夢亦
於斯溪山迴複藏千室閱盡秦年經漢日雲中雞犬自長

桃花源志略卷十

二十

閒世外干戈誰復卹眼昏氣暖惟桃花千巖萬壑皆紅霞
不道居人曾去國坐令來者還思家武陵片地今何所蘧
蘧始信莊生語有無真幻都冥冥耳目心魂誰得主推枕
寒燈青尙然一覺依稀隔幾年清靈祕境偶一造要客作
詩相流傳悄恍羈人忘寢饋驟聞此語嗟奇異紙窗如雪
夜虛明月照繩牀不成寐南來羣雁天邊鳴臚聲啞啞客
中驚十年襪被京華夢一夕思家湖海情白鷗浩蕩試回
顧紅雨穆穆春草暮若到仙源訪衆眞座中先覓漁丈人
徐崑流詩一首 崑流名昌支武陵人 漁仙寺用譚友夏韻 春山
擁翠若畱行移我胸中邱壑情仙洞出雲天欲雨石梁如
馬夜長鳴來當三月桃初放愛此千巖柏倒生縱覽始知

天地別廿年塵眼片時明

徐鴻軒詩一首

鴻軒名昌夏武陵人

游漁仙寺次譚友夏韻 策

杖看山也邈行山靈客思兩鍾情鶯花嶺表自啼落雞犬
空中時吠鳴古寺就荒煙磬冷懸巖若斷野雲生登高欲
眺青冥窄千里長江一線明

陶嵇山詩一首

嵇山名士偃甯鄉人

夢偕一老僧牽舟入洞壑澹

煙微月落蘩繽紛余疑是桃花源境界賦詩紀勝記一聯
云犬吠隔溪火魚聽靜夜琴忘其首尾因續成短章 宥
然巖壑深煙月復沈沈犬吠隔溪火魚聽靜夜琴大千花
裏界太古洞中陰幽意同禪悅維舟一浩吟

林磐安詩二首

磐安名墳湘潭人

武陵洞 千年深洞鎖煙霞

桃花源志略卷十

二十一

萬樹蠶桑百頃麻白麥黃童無世法山邊水際盡農家商
周俎豆傳猶謹鄒魯衣冠製未差怕引塵埃車馬到于今
更不種桃花 憶武陵洞 流水飛花繞洞門千年閒境
百家村不征租稅無官吏力課耕桑有子孫特闢未經神
禹迹安居翻憶祖龍恩漁郎去路今何在空使溪山結夢
魂

謝瑛詩一首

江南未詳

游桃川和韻 不信桃源浪有仙

儘多奇蹟綴山川藤蘿洞口藏新月楊柳溪頭挂曉煙鳥
宿枝輕花歷歷漁歌棹出水涓涓非憐避世秦時客尙有
欣然著祖鞭

楊尙載詩一首

字里未詳

桃川 武陵溪畔疑無路雞犬聲

中又有村幾處漁家依洞口一灣夕照澹柴門當年未解
分秦晉今日何從問子孫悟得桃源真隱意世間名利不
須論

文東寅詩一首

東寅名曙
桃源人

遇仙橋 絕壁沿溪上危橋

一徑通澗回雲度影路險石搖空谷鳥晴呼雨山猿晚嘯
風仙源足幽意俯仰與何窮

陳思南詩一首

思南名光
連江人

題桃源圖 漫道桃源昔避

秦錯教漁父數迷津桑麻徑裏村邊屋雞犬聲中世外塵
渡口花開三月雨洞門雩鎖一溪春仙蹤既是無人到祇
恐丹青畫未真

吳蒞詩一首

字里
未詳

秋仲游桃源洞遇默上人善琴畫同

桃花源志略卷十 二十二

沈雱奇次武陵諸公韻 名山問訊願難酬邂逅支公作

勝游古洞遙傳彭澤記新聲忽聽廣陵秋已將色相空千
眼常向丹青隱一邱自笑滿懷鄉國念還從溪畔問漁舟
陳蔚文詩一首

蔚文名熺
桃源人

秦人洞同程奇峯分韻 縱

遣門開願已遲瞿童心跡確相知水如匹練空歸海花逐
溪流不上枝啼遍芳樽山鳥倦臥荒殘局白雩癡何年鑿
破神仙窟爲我深嵌幾卷詩

夏典虞詩一首

典虞名逢
益陽人

桃源洞紀行口占 濤飛白

馬渡江斜一徑穿雲峯崒嶭恍似漁郎從口入欲於何處
認桃花

黃道恬詩一首

道恬名孝
長沙人

早過桃源 犬吠白雲端雞

鳴古屋閒從來高隱士占去大名山宛爾仙源在翛然俗
慮刪何當成小築日晏掩柴關

鄧松堂詩一首

松堂名勝
達新化人

授徒桃花江上以桃花源課

諸學子有作 我生未至桃花洞却伴桃花江上居江上
桃花今亦少洞中仙子復何如不知閱世幾秦晉且復閉
戶談詩書明歲花時吾儻健沿溪去訪武陵漁

劉誠詩三首

字里
未詳

桃花源紀游 及此秋光早相期諫

避秦未論巖壑古且與煙霞親驛路飄黃葉漁洲望白蘋
寥寥村店外洞裏想遺民 側徑通幽處誅茅小蓋堂游
人堪息屐老衲正薰香樹隙窺蒼翠峯棱出渺茫憑高無
限意黃綺更何方 石磴層層下巖花處處逢秋光馳野
馬樹色老蒼龍醉賭旗亭酒雄歌楚塞風登高還涉水餘
興寄孤篷

桃花源志略卷十

二十三

朱定元詩一首

字未詳
武陵人

桃源洞 楊柳回汀合桃花古

洞開閒雲堆冷砌片月老蒼苔雞犬隨風聽桑麻帶雨栽
故人何處去漫道避秦來

熊炳詩一首

字里
未詳

桃川 偶尋林下路門掩碧溪灣秋

水客將渡夕陽人在山孤村黃葉下野寺白雩閒彷彿秦
源近漁歌自往還

金檜門詩一首

檜門名德
瑛仁和人

桃源 主人耕鑿客人漁說

向先秦恂恍餘何事碧溪紅樹裏不傳數卷未焚書

王夢樓詩一首

夢樓名文
治丹徒人

桃源洞 自是紅塵客太忙

桃源未必盡荒唐卽看流水瑯玕色尙覺空林草露香黔
蜀殘山從此斷羲皇化日至今長年來粗會陶潛意歸去
扁舟問醉鄉

姚雪門詩三首

雪門學使名頤泰和人

訪秦人洞

稻田溝水抱

山門無復秦人長子孫莫唱武溪深一曲桃源今是路旁
村 覓路當時已失真誰將古洞獻行人荒池一勺無源
水賺得塵凡盡問津 欲禮瞿童空復情臨風佇聽紫鸞
聲遇仙橋上憑欄處方竹靈蒲生未生

郭中望詩一首

字未詳桃源人

春游桃川洞

偶攜杖屨到山

阿古木森森護薜蘿幾處零連人跡少一溪水泛落花多
身臨洞口殷勤誌路接壺頭感慨過爲問當年逃世客桑

桃花源志略卷十

二十四

麻雞犬近如何

徐昌源詩一首

字未詳武陵人

煉丹臺

孤煙幻作香鑪篆漆

火常疑丹竈煤空有荒臺自千古白雲飛去又飛來

羅天經詩一首

字未詳桃源人

摩頂松

百尺干霄頂欲摩山

中甲子歷偏多柏庭去後無消息只許清風明月過

羅天緯詩一首

字未詳桃源人

秦人洞

白雲深處石門扃瀑

布飛聲出杳冥咫尺人天憑一割尋源悵立萬山青

翦嵩芬詩一首

字未詳桃源人

桃花洞

躡蹬覓仙跡深林迴

出塵白雲迷洞口紅雨落溪滑秦晉知何代桑麻別有春
往來耕種者卽此是漁人

龔體六詩一首

體六名大萬號菝浦武陵人

桃源洞

七度過桃洞

停舟此一回白鷗迎客到黃蝶引人來路入煙霞界山橫
竹樹隈行行剛午霽籬落絳桃開

吳芷泉詩一首

芷泉名俊
升沅江人

武陵雜詩

草綠長隄水滿

川萬家靈雨護桑田桃源洞裏昔人去盡日飛花糝客船

汪扶晨詩一首

扶晨名徽
遠歙縣人

桃源寄訊漸江上人

期我

桃源來更踏桃源陌不見武陵人潭聲挂飛白憩息狎浪
棲談元憶疇昔坐見峯頭僧冉冉下空碧開師霞際書謂
耽雲谷適勸我雲谷游清宵話泉石松風生晚涼月明照
瑤席聊託孤飛雲一訊安禪客

張度西詩三首

度西名九
鉞湘潭人

桃源洞

十里五里漁歌聲

十村九村桃花明飛泉無人挂絕巘芳洲自轉蘭芽生長

桃花源志略卷十

二十五

林大道聞鐘鼓云是秦人阡陌所流水歸來隔幾春青山
一閉成千古松風颯颯吹客頭華池明鏡蕩不收雞鳴卓
午日上壁瑤草欲動青氛浮神仙安得思鄉里世外蕭然
自生死秦人不識漢春秋陶令猶書晉甲子我謂此中人
何樂不向金鸞求大藥尋常兒女繞田嬉隨意桑麻對酒
酌高牙大纛馳風塵休辨當年事僞真回頭卽是虛無路
得意俄爲顛悴人夢裏圖中皆可住何妨再爲漁郎誤桃
花欲落沅水深便欲拏舟入溪去 漁網溪 重灘盡朗
州江秀山遠青迴溪深彎環一峯峙柱形冰霜削寸膚日
月扶孤撐上有萬年樹融液舒其英潭潭翠不流合沓搖
空明板屋百餘家隱見雞犬聲春風微暄入芳芷無言生

欲洗磊砢胸靜讀南華經祗恐漁郎笑不得秦人迎桃源
在咫尺吾思拏舟行 曉過白馬渡 細路緣崖峻朝陽
轉轡虛江流殘霧盡人入亂山初洞翠飄行柁灘花濺短
祛雞聲喧渡口疑有避秦居

吳穀人詩一首

見名里前

題石谷子爲王耕客畫桃源圖

桃花鄉裏桃花風一夜吹暖溪頭紅明霞照眼鶯啼樹春
水拍天鷗在空隔花略約斜通處有客杖藜從此去閒領
雛孫叱犢行頻持老瓦招農語臺心簇簇油菜黃麥苗剡
剡沒雉長平連芳草羣鷗戲閃過斜陽一燕忙幽深真箇
仙源在隱隱茅茨白雩內蠶市旋催桑柘桃社團爭趕雞
豚賽飛來艇子中有人孤吟賞遍沿流春模餽脂粉空林

桃花源志略卷十

二十六

浣點染丹青小筆皴畫者何人王石谷宛然耕客詞中讀
一桁遮畱上已山百金料理中人屋鱸亭蟹舍幾堆煙揀
擇江湖好處眠臥聽鳴榔流出港夢隨耕笠往于田朝衫
脫却甘慵惰此地寬閒須著我茶筍全憑計畝收藤蘿一
任攔門鎖回首天涯綠草肥圖中猶自盛芳菲桃花欲發
今朝笑前度漁人尙未歸

張菊溪詩五首

文敏公名百齡漢軍旗人

過秦人洞 咫尺仙源近

低徊歲月賒緣溪頻問渡夾岸不逢花開闢定何代流傳
尙幾家漁郎耽世味那解飯胡麻 一勺花潭水飛泉作
湫流但教人避世未許客通舟雲洞畱猿鶴星槎望斗牛
笑他劉子驥塵境苦相求 之任黔中道經桃花源停輿

延眺率爾成詠卽次范令尹韻 也種桑麻也種田偶來
絕境豈求仙詩人慣作離塵想竟說桃源別有天 青溪
紅樹畫圖閒一屨探尋未肯閒徑欲遠煩賢令尹生綃寫

寄淥蘿山

范星子詩五首

星子名鶴
年洪洞人

再至桃源

已失當年路空

畱幾代碑況無花解語益信地傳疑巖壑求真賞松筠託
故知山中多吏事莫誤讀陶詩 笑我勞勞者何由再問

津桃花經歲月古洞已風塵夜燭空游楚春臺不避秦桃

源隨處是莫更羨漁人

曠代桃花盡空山瀑布流八年

仍宦轍千古一漁舟綠樹聽雞犬紅塵走馬牛仙凡同此
路迷者不知求 游桃源洞 水牯山蠶世業傳先生原

桃花源志略卷十

二十七

不記神仙桃花歲歲無租稅不是人間卽洞天 桃花也

不到人間况復漁郎去可還埽盡落英重蒔竹怕人猶識

武陵山

師荔扉詩一首

荔扉名範
趙州人

武陵雜詩

到此纔知客路

長春煙黯黯水茫茫人非屈宋天難問地是沅湘草易香

劉夢得來詩境闊馬文淵去陣雲荒漁郎莫被桃花引晉

魏都從一飯忘

汪玉屏詩一首

玉屏名坤
旌德人

舟中望桃源洞

夾岸盡桃

花青谿幾曲斜山中無魏晉洞裏自桑麻有客曾來此凡
心忽憶家遂教千載後遙望祗煙霞

費履齋詩一首

履齋名應
泰巴陵人

桃源洞

不識桃源路舟人

指故山白鷗秋水外黃葉夕陽閒塵世境原幻漁郎事可
刪時清競朝市長覺洞門閒

羅天純詩一首

桃源未詳

桃川仙隱

百折清流萬樹花

水源盡處有桑麻自從漁子迷津後隔斷峯頭一片霞

何璉詩一首

桃源未詳

桃源洞

舊讀淵明記今來洞口

游鶴飛丹嶂合松老碧煙浮彳亍尋仙跡潺湲聽澗流白
雲千萬片谷鳥一聲幽

水衛詩一首

桃源未詳

桃源舟中

萬山歷盡一江平天

許乘風破浪行沅水已過湘水近滇雲遙隔楚雩生沿溪
漁父頻迴棹夾岸桃花半落英我欲泊舟尋隱逸仙源雞
犬漫相驚

桃花源志略卷十

二十八

葉自淵詩一首

桃源未詳

再訪桃源洞

迢遞仙源又問

津竹溪雲舫紀前因蘚碑篆刻文仍晉雞黍人家世隔秦
權狎鷗汀牽翠苻波橫螺黛接蒼垠桃花不放春消息忘
却漁郎是故人